

Das diese spitz ist zwischen dem syben stern / die man die
 Kleynerin heisset / wann sy wenden sich in kreys weis / vñ
 kument nimer vō der selbigen statt / als dy perin dy sich
 langsam umbwalzen ist. Die syben tetterin oder syben
 oxen / darumb dz diese syben stern in der grössern perin
 steen / die man auch den wagen neinet / nach einander in
 einem umbtreis des himels / langsam nach einand tret
 ten als die oxen zc. Norden / von dem wind also gnannt
 der von der selbigen nitternächigen statt wehen ist / zu
 Latin genant Boreas. Die ander himel spitz heisset dy
 wider perin / darumb das sy gleich gegen ober ist der ob /
 gnanten himels perin. Sie wirt auch die mittentagerin
 genant / darumb das sy ist an dem teyl des himels da der
 mittag ist. Vnd heist auch Süden von dem windt also
 gnannt / der von mittentag wehen ist / zu Latin heist Au
 ster. Vnd diese zwen punct so bestendig in dem Firma
 ment heissent Poli / oder himel spitz der welt / wann sye en
 den die achs des himels daran der welt laufft / vnd die
 eine himel spitz alweg vns erscheinet / vnd die ander alle
 zeyt verborgen ist / darumb spricht Vergilius im ersten
 buch Georgic. Ein wirbel sycht vns alzeit an

Der nindert sich verbergen kan.
 Dargegen steet der vns nit sycht /
 Der schawt was in der hell geschicht.

Cap. ij.

Von dem Zeyhentrager Circkel.

Ein ander kreys an dem himel ist / der vberschrenckt
 den Ebnrecht / vnd wirt von ihm vberschrenckt
 in zwei gleiche stück / Vñ eins sein mittel neygt sich
 gegen nitternacht / vnd das ander gegē dem mitttag /
 Vnd

gibig in prima
 cor. ij.

De zodiaco
 circulo